

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA INVESTICIJE I
POSLOVE MJESNIH ZAJEDNICA
Broj: 03-04-3574/21
Lukavac, 15.12.2021. godine

Na osnovu člana 69. stav 3. Zakona o javnim nabavkama („Sl. glasnik BiH“, broj: 39/14) u otvorenom postupku javne nabavke usluga za izradu energetskeg audita javnih objekata u općini Lukavac, Pomoćnik općinskog načelnika za Službu za investicije i poslove mjesnih zajednica d o n o s i

O D L U K U **o otkazivanju postupka javne nabavke**

Član 1.

Otkazuje se postupak javne nabavke usluga za izradu energetskeg audita javnih objekata u općini Lukavac, zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Član 4.

Ovom Odlukom stavlja se van snage Odluka broj: 03-04-3574/21 od 24.11.2021. godine.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 03-02-3573/21 od 10.09.2021. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 36.000,00 KM.

Obavještenje o nabavci broj: 719-1-3-99-3-130/21 objavljeno je na Portalu javnih nabavki dana 16.09.2021. godine.

Komisija za provođenje postupka nabavke imenovana Rješenjem broj: 02-04-75-66/21 od 20.09.2021. godine dostavila je Zapisnik o pregledu i ocjeni ponuda broj: 03-04-3574/21 od 13.10.2021. godine, Preporuku o izboru najpovoljnijeg ponuđača broj: 03-04-3574/21 od 13.10.2021. godine i Izvještaj o radu broj: 03-04-3574/21 od 13.10.2021. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene tri blagovremene ponude, a da neblagovremenih ponuda nije bilo;
- da su ponude ponuđača: Grupa ponuđača „nLOGIC d.o.o Sarajevo i Plus Minus d.o.o Sarajevo, INSTITUT ZA SIGURNOST I OKOLIŠ d.o.o Tuzla i PROVING d.o.o Sarajevo

kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

Svi ponuđači su obaviješteni o rezultatu postupka javne nabavke, te je prvorangirani ponuđač pozvan da dostavi dokumentaciju iz člana 45. Zakona o javnim nabavkama u roku od 7 (sedam) dana od dana prijema obavještenja o rezultatima postupka i prije potpisivanja ugovora, tj. u zakonskom roku predviđenom za potpisivanje ugovora da dostavi ovjerenu kopiju ovlaštenja za obavljanje energijskih audita izdano od strane Federalnog ministarstva prostornog uređenja.

Ponuđač „PROVING“ d.o.o Sarajevo je aktom broj: 3171-1/21 od 18.10.2021. godine obavijestio Ugovorni organ da nije u mogućnosti preuzeti posao i potpisati ugovor, te da odustaje od potpisivanja istog, te je ugovorni organ postupio u skladu sa članom 72. stav (3) tačka f) Zakona o javnim nabavkama i ugovor dodijelio drugorangiranom ponuđaču „INSTITUT ZA SIGURNOST I OKOLIŠ“ d.o.o Tuzla, koji je dostavio prihvatljivu ponudu broj: 543-P/IX-21 od 24.09.2021. godine sa cijenom od 21.300,00 KM bez PDV-a i rokom plaćanja 60 (šezdeset) dana.

Nakon prijema Odluke o dodijeli ugovora ponuđač „INSTITUT ZA SIGURNOST I OKOLIŠ“ d.o.o Tuzla je aktom broj: 543-I/21 od 11.11.2021. godine obavijestio Ugovorni organ da nije u mogućnosti realizovati dodijeljeni ugovor u zadatim rokovima, te da odustaje od preuzimanja posla i potpisivanja ugovora, zbog čega je ugovorni organ postupio u skladu sa članom 72. stav (3) tačka f) Zakona o javnim nabavkama i ugovor dodijelio trećerangiranom ponuđaču „Grupa ponuđača nLOGIC d.o.o Sarajevo i Plus Minus d.o.o Sarajevo“, koja je dostavila prihvatljivu ponudu broj: P-58-21 od 04.10.2021. godine sa cijenom od 35.880,00 KM bez PDV-a i rokom plaćanja 60 (šezdeset) dana.

Ugovorni organ je pozvao grupu ponuđača „nLOGIC d.o.o Sarajevo i Plus Minus d.o.o Sarajevo“ da u roku od 7 (sedam) dana od dana prijema Odluke o izboru najpovoljnijeg ponuđača dostavi originale ili ovjerene kopije dokumentacije za svakog člana grupe iz člana 45. Zakona o javnim nabavkama i u roku od 15 dana od dana prijema Odluke o izboru najpovoljnijeg ponuđača da dostavi original ili ovjerenu kopiju Rješenja Federalnog ministarstva prostornog uređenja za obavljanje energijskih audita za člana grupe „Plus i Minus“ d.o.o Sarajevo.

Naime, grupa ponuđača „nLOGIC d.o.o Sarajevo i Plus Minus d.o.o Sarajevo“ je u sastavu ponude dostavila Konzorcijski ugovor o zajedničkom nastupanju na projektu iz kojeg je vidljivo da će oba člana grupe obavljati poslove energijskog audita, zbog čega je ugovorni organ pozvao člana grupe „Plus Minus“ d.o.o Sarajevo da dostavi navedeno ovlaštenje. Članom 27. Zakona o energijskoj efikasnosti u FBiH („Službene novine FBiH“, broj: 22/17) određeno je da energijski audit i/ili energijsko certifikovanje zgrada mogu obavljati samo pravna i fizička lica koja imaju ovlaštenje za obavljanje energijskih audita i /ili energijskog certifikovanja zgrada. Kada je u pitanju Ovlaštenje za obavljanje energijskih audita i zahtijevanje istog kada u postupku učestvuje grupa ponuđača, isto se dovodi u vezu sa ispunjavanjem uslova iz člana 46. Zakona o javnim nabavkama. Ukoliko će svi članovi grupe raditi na obavljanju poslova energijskog audita za koje se materijalnim propisom zahtijeva ovlaštenje, tada svaki član grupe mora imati zahtijevano ovlaštenje.

Obzirom da izabrani ponuđač „Grupa ponuđača nLOGIC d.o.o Sarajevo i Plus Minus d.o.o Sarajevo“ do predviđenog roka za dostavu tražene dokumentacije iz tačke 28. Tenderske dokumentacije nije dostavio original ili ovjerenu kopiju Rješenja Federalnog ministarstva prostornog uređenja za obavljanje energijskih audita za člana grupe „Plus i Minus“ d.o.o Sarajevo, i kako u predmetnom postupku više nema primljenih ponuda riješeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac-Služba za investicije i poslove mjesnih zajednica, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. nLOGIC d.o.o Sarajevo,
2. INSTITUT ZA SIGURNOST I OKOLIŠ d.o.o Tuzla,
3. PROVING d.o.o Sarajevo i
4. Arhivi.-

PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA

(ovlaštenje broj: 02-30-6245/20 od 21.12.2020.god.)

Emir Begić, dipl. ecc.

